



**XUNTA DE GALICIA**

VICEPRESIDENCIA E CONSELLERÍA DE PRESIDENCIA,  
ADMINISTRACIÓNS PÚBLICAS E XUSTIZA  
Dirección Xeral de Xustiza

Rúa Madrid,2-4, 2º  
Polígono de Fontiñas  
15781 SANTIAGO DE COMPOSTELA

galicia

**Resolución do 18 de xullo de 2019, da Dirección Xeral de Xustiza, pola que se convoca a provisión en comisión de servizo, de forma temporal e por petición da persoa interesada, de postos de traballo nos órganos de nova creación entre funcionarios dos corpos e escalas ao servizo da Administración de xustiza con destino na Comunidade Autónoma de Galicia.**

A Lei orgánica 6/1985, do 1 de xullo, do poder xudicial (LOPX), regula no seu artigo 527.1º a provisión temporal de postos vacantes mediante a comisión de servizos entremetres non resulte posible a súa provisión definitiva mediante concurso de traslados.

Coa finalidade de dotar os cadros de persoal dos órganos xudiciais de nova creación, cuxa entrada en funcionamento está prevista para o 30 de setembro de 2019, procede anunciar a súa provisión temporal co obxecto de que o persoal funcionario interesado poida solicitar as oportunas comisións de servizos.

Daquela, en aplicación das competencias que corresponden a este órgano consonte o artigo 20.1 do Estatuto de autonomía de Galicia, en relación co Real decreto 2397/1996, sobre transferencia a esta comunidade de medios persoais para o servizo da Administración de xustiza, co artigo 525 da LOPX e mais co Decreto 74/2018, do 5 de xullo, polo que se establece a estrutura orgánica da Vicepresidencia e da Consellería de Presidencia, Administracións Públicas e Xustiza,

DISPOÑO:

#### **Primeiro.- Obxecto**

O procedemento e a convocatoria teñen por obxecto posibilitar a provisión de forma temporal, mediante comisión de servizos, dos postos de traballo reservados ao persoal funcionario integrante dos corpos de xestión procesual e administrativa, de tramitación procesual e administrativa e de auxilio xudicial que se indican no anexo I.

O cadro de persoal da cada órgano xudicial está pendente de aprobación, polo que o número de postos convocado pode ter modificacións.

#### **Segundo.- Solicitantes**

Poderán solicitar as comisións de servizos, con exención de funcións nos seus postos actuais, os funcionarios de carreira dos corpos ao servizo da Administración de xustiza que estean en situación de servizo activo prestando servizos no seu destino definitivo. Poderá solicitar as comisións de servizo o persoal funcionario que se atope de baixa por incapacidade temporal sempre que se reincorpore ou se produza a súa alta para a data de entrada en funcionamento dos órganos de nova creación.

#### **Terceiro.- Criterios de adxudicación**





**XUNTA DE GALICIA**

VICEPRESIDENCIA E CONSELLERÍA DE PRESIDENCIA,  
ADMINISTRACIÓNS PÚBLICAS E XUSTIZA  
Dirección Xeral de Xustiza

Rúa Madrid, 2-4, 2º  
Polígono de Fontiñas  
15781 SANTIAGO DE COMPOSTELA

galicia

A selección dos candidatos e a adxudicación das comisións de servizo farase segundo a orde de preferencia fixada pola persoa solicitante na súa instancia e con base na maior puntuación obtida cos mesmos criterios que nun concurso de traslados: antigüidade e nivel de coñecemento da lingua galega. En caso de empate acudirase ao escalafón.

Aqueles solicitantes que durante o procedemento de resolución das comisións de servizo convocadas por esta resolución obteñan destino definitivo mediante calquera outro proceso de provisión entenderase que desisten da solicitude presentada ao abeiro desta convocatoria.

#### **Cuarto.- Solicitudes**

Os interesados deberán presentar unha instancia axustada ao modelo que se axunta como anexo II a esta resolución. Na solicitude deberanse enumerar, por orde de preferencia, as unidades e localidades que se solicitan. Canda a solicitude haberá que presentar unha copia da certificación ou do diploma que acredite o coñecemento da lingua galega.

#### **Quinto.- Informe**

Para cumprir co previsto no artigo 73 do Real decreto 1451/2005, as solicitudes irán acompañadas co informe, preceptivo e non vinculante, da persoa responsable do órgano, servizo ou unidade en que estea destinado o persoal funcionario solicitante. En caso de non emitir informe o órgano correspondente, unha vez acreditada a presentación da súa solicitude polo interesado, entenderase que é favorable.

Ademais, para o caso de que o destino da persoa solicitante radique fóra da Comunidade Autónoma de Galicia, deberá presentar, xunto coa solicitude, o informe favorable do Ministerio de Xustiza ou do órgano competente da comunidade autónoma respectiva. De non ser posible, deberá presentar unha acreditación de que o solicitou.

#### **Sexto.- Lugar e prazo de presentación de solicitudes**

O prazo de presentación de solicitudes será de cinco días hábiles dende o día seguinte ao da publicación desta convocatoria na intranet da Dirección Xeral de Xustiza (<http://intranet.xustiza.gal>) e no sitio web da Vicepresidencia e Consellería de Presidencia, Administracións Públicas e Xustiza (<http://cpapx.xunta.gal>).

As solicitudes dirixiranse á Dirección Xeral de Xustiza (rúa Madrid, 2-4, planta 2ª, polígono das Fontiñas, 15781 Santiago de Compostela) e presentaranse nos rexistros administrativos da Xunta de Galicia ou de calquera das formas previstas no artigo 16.4 da Lei 39/2015, do 1 de outubro, do procedemento administrativo común das administracións públicas. As que se presenten nas oficinas de Correos enviaranse por correo certificado, para o cal se presentarán nas citadas oficinas en sobre aberto co obxecto de seren datadas e seladas polo funcionario de





**XUNTA DE GALICIA**

VICEPRESIDENCIA E CONSELLERÍA DE PRESIDENCIA,  
ADMINISTRACIÓNS PÚBLICAS E XUSTIZA  
Dirección Xeral de Xustiza

Rúa Madrid,2-4, 2º  
Polígono de Fontiñas  
15781 SANTIAGO DE COMPOSTELA

galicia

Correos antes de seren remitidas. Os solicitantes deberán enviar a solicitude que teña o selo da oficina de Correos, sen que poidan admitirse as instancias que non cumpran este requisito pasado o prazo de presentación.

Ademais, as solicitudes deberán adiantarse, no citado prazo de cinco días hábiles, por correo electrónico ([servicio.personal.xustiza@xunta.gal](mailto:servicio.personal.xustiza@xunta.gal)) para axilizar a súa tramitación.

### **Sétimo.- Características das comisións de servizos**

A provisión temporal das prazas ofertadas concederáse co carácter de comisións de servizos voluntarias.

As comisións de servizos para as prazas ofertadas no anexo I comezarán o día da entrada en funcionamento dos novos órganos xudiciais, prevista para o 30 de setembro do 2019, e a súa duración será ata a adxudicación das prazas mediante concurso de traslados, sendo o período mínimo de permanencia na comisión de servizos de seis meses. En caso de renuncia á comisión de servizos antes de que transcorran seis meses, o funcionario non poderá acceder a unha nova comisión de servizo durante un prazo dun ano.

Todos os funcionarios seleccionados se deberán presentar no órgano xudicial asignado o día da súa entrada en funcionamento. No caso de que algún dos seleccionados non se presente ao posto adxudicado en comisión de servizos na data de posta en funcionamento, cubrirase o posto co seguinte funcionario da relación definitiva de puntuación.

As vacacións e os permisos para gozar dende o día de inicio da comisión de servizos deberán solicitarse novamente dende o órgano xudicial asignado en comisión de servizos.

Os funcionarios que estean en comisión de servizo conservarán o seu posto de orixe e terán dereito ás retribucións complementarias do posto que desempeñen.

### **Oitavo.- Resolución**

Finalizado o prazo de presentación de solicitudes, e tras a súa baremación, a persoa titular da Dirección Xeral de Xustiza ditará unha resolución de adxudicación, que se publicará de xeito simultáneo na intranet da Dirección Xeral de Xustiza (<http://intranet.xustiza.gal>) e no sitio web da Vicepresidencia e Consellería de Presidencia, Administracións Públicas e Xustiza (<http://cpapx.xunta.gal>).

### **Noveno.- Recursos**

Contra a presente resolución, que esgota a vía administrativa, poderase interpoñer un recurso de reposición ante o director xeral de Xustiza no prazo dun mes, ou un recurso contencioso-administrativo ante o órgano competente no prazo de dous meses. Ambos os





**XUNTA DE GALICIA**

VICEPRESIDENCIA E CONSELLERÍA DE PRESIDENCIA,  
ADMINISTRACIÓNS PÚBLICAS E XUSTIZA  
Dirección Xeral de Xustiza

Rúa Madrid,2-4, 2º  
Polígono de Fontiñas  
15781 SANTIAGO DE COMPOSTELA

galicia

dous prazos serán contados a partir do día seguinte ao da publicación desta resolución na intranet da Dirección Xeral de Xustiza (<http://intranet.xustiza.gal>) e no sitio web da Vicepresidencia e Consellería de Presidencia, Administracións Públicas e Xustiza (<http://cpapx.xunta.gal>).

DOCUMENTO ASINADO ELECTRONICAMENTE

O director xeral de Xustiza

Juan José Martín Álvarez





**XUNTA DE GALICIA**

VICEPRESIDENCIA E CONSELLERÍA DE PRESIDENCIA,  
ADMINISTRACIÓNS PÚBLICAS E XUSTIZA  
Dirección Xeral de Xustiza

Rúa Madrid,2-4, 2º  
Polígono de Fontiñas  
15781 SANTIAGO DE COMPOSTELA



## ANEXO I

### Vacantes nos órganos xudiciais de nova creación

Corpo de xestión procesual e administrativa

Código	Unidade	Localidade	Provincia	Nº prazas
1	Xdo. de 1ª Instancia nº 14	A Coruña	A Coruña	3
2	Xdo. do Social nº 4	Santiago de Compostela	A Coruña	2
3	Xdo. do Social nº 6	Vigo	Pontevedra	2

Corpo de tramitación procesual e administrativa

Código	Unidade	Localidade	Provincia	Nº prazas
4	Xdo. de 1ª Instancia nº 14	A Coruña	A Coruña	4
5	Xdo. do Social nº 4	Santiago de Compostela	A Coruña	4
6	Xdo. do Social nº 6	Vigo	Pontevedra	4

Corpo de auxilio xudicial

Código	Unidade	Localidade	Provincia	Nº prazas
7	Xdo. de 1ª Instancia nº 14	A Coruña	A Coruña	1
8	Xdo. do Social nº 4	Santiago de Compostela	A Coruña	2
9	Xdo. do Social nº 6	Vigo	Pontevedra	2





XUNTA DE GALICIA

VICEPRESIDENCIA E CONSELLERÍA DE PRESIDENCIA,  
ADMINISTRACIÓNS PÚBLICAS E XUSTIZA  
Dirección Xeral de Xustiza

Rúa Madrid,2-4, 2º  
Polígono de Fontiñas  
15781 SANTIAGO DE COMPOSTELA



## ANEXO II

PROCEDEMENTO	TIPO DE DOCUMENTO
<i>Provisión de postos por comisión de servizos convocados por Resolución da Dirección Xeral de Xustiza do 18 de xullo de 2019</i>	SOLICITUDE

DATOS DA PERSOA SOLICITANTE			
NOME	PRIMEIRO APELIDO	SEGUNDO APELIDO	NIF
DATA NACEMENTO	DE ENDEREZO		
CÓDIGO POSTAL	PROVINCIA	CONCELLO	
TELÉFONO	TELÉFONO MÓBIL	ENDEREZO ELECTRÓNICO	
<b>POSTO ACTUAL</b>			
DENOMINACIÓN:	UNIDADE:	LOCALIDADE/PROVINCIA:	

## MÉRITOS

Núm. escala:	Antigüidade no respectivo corpo:	Coñecemento da lingua galega: Certificado Celga ou equivalente <input type="checkbox"/> Curso medio de linguaxe xurídica <input type="checkbox"/> Curso superior de linguaxe xurídica <input type="checkbox"/>
Data de posesión no corpo actual:		





**XUNTA DE GALICIA**

VICEPRESIDENCIA E CONSELLERÍA DE PRESIDENCIA,  
ADMINISTRACIÓNS PÚBLICAS E XUSTIZA  
Dirección Xeral de Xustiza

Rúa Madrid,2-4, 2º  
Polígono de Fontiñas  
15781 SANTIAGO DE COMPOSTELA



### POSTOS SOLICITADOS SEGUNDO A ORDE DE PREFERENCIA

ORDE DE PREFERENCIA	CÓDIGO DO POSTO	UNIDADE	LOCALIDADE/PROVINCIA
1			
2			
3			
4			
5			
6			
7			
8			
9			

\_\_\_\_\_, \_\_\_\_ de \_\_\_\_\_ de 2019

Sinatura:

Visto e prace do superior funcional

**Dirección Xeral de Xustiza**  
**Vicepresidencia e Consellería de Presidencia, Administracións Públicas e Xustiza**  
**Rúa Madrid, 2-4, planta 2ª, polígono das Fontiñas.**  
**15781 Santiago de Compostela**

